



Ceòl na h-Alba. Gleusta.

An iùil agaibh air roinn ceòl
dùthchasach is traidiseanta na h-Alba

Clàr-innse

Fàilte	3
Goireasan & Prìomh Bhuidhnean.....	4
Taic na Roinne.....	11
Prìomh Fhèisean ann an Alba.....	12

Fàilte

Welcome

Wylcome

Tha saoghal beothail ceòl dùthchasach is traidiseanta na h-Alba làn de thàlant bho luchd-ciùil stèidhichte gu ginealach ùr de luchd-ealain.

Tha Alba a' cumail cuid de na fèisean ciùil as cliùitiche air an t-saoghal, agus tha mòran bhuidhnean follaiseach san dùthaich a tha a' beathachadh chànanan agus traidiseanan dùthchasach fad 's a bhios iad a' brosnachadh agus a' toirt taic do thàlant is bheachdan ùra.

Tha sinn air cuid de **na prìomh bhuidhnean agus fèisean a chruinneachadh bhon roinn** a sheallas na tha aig an dùthaich ri thabhann.

Goireasan & Prìomh Bhuidhnean

Tha saoghal ciùil soirbheachail aig Alba le cuid den luchd-ealain as fheàrr san t-saoghal. Tha seo air a neartachadh le lìonra làidir de bhuidhnean a tha a' tabhann raon de sheirbheisean taice agus chothroman.

Bogha-frois

Tha Bogha-frois na phròiseact a tha ag amas air luchd-ciùil LGBTQIA+ ann an Alba a bhios a' sgrìobhadh, a' co-obrachadh agus a' seinn òrain ceòl traidiseanta, a bhios ag innse sgeulachdan mu bheatha mar bhuill den choimhearsnachd LGDTC+. 'S e an t-amas aig a' cheann thall sreath de thachartasan a chruthachadh a nochdas an ceangal eadar ceòl traidiseanta na h-Alba agus ceistean is luachan na 21mh linn.

www.facebook.com/queervoicesinfolk

BIT Collective

'S e coimhearsnachd dhaoine a th' anns a' BIT Collective anns a bheil ùidh ann am beachdachadh air agus dèiligeadh ri cùisean co-ionannachd ann an ceòl traidiseanta na h-Alba. Tha iad ag amas air coimhearsnachd cleachdaidh le iomadachd agus a tha in-ghabhalach leis an amas choitcheann gus deagh atharrachadh a thòiseachadh. Bidh iad ag obair a dh'ionnsaigh seo le bhith a' cruinneachadh agus a' mion-sgrùdadh dàta, a' cuideachadh le deasbad agus ionnsachadh, a' toirt seachad taic, agus a' brosnachadh ghnìomhan adhartach.

www.thebitcollective.co.uk

Ceòlas

Stèidhichte ann an Uibhist a Deas, tha a' Ghàidhlig agus a cultar aig cridhe na h-obrach aig Ceòlas, a' ruith thachartasan agus chur-seachadan tron bhliadhna a' gabhail a-steach co-labhairtean, òraidean, cuirmean is dannsaichean. Tha an sgoil-shamhraidh aca a' tarraing oileanaich bho air feadh na cruinne.

www.ceolas.co.uk

Fèisean nan Gàidheal

Mar phrìomh ghuth ann a bhith a’ brosnachadh ealain is cultar na Gàidhlig, tha Fèisean nan Gàidheal a’ tabhann chothroman ionnsachaidh ann an ceòl, òrain, dannsa agus dràma Gàidhlig do chòrr air 13,000 òganaich air feadh Alba. Tha Fèisean nan Gàidheal cuideachd a’ ruith fèis Blas a bhios a’ comharrachadh cultar na Gàidhealtachd.

www.feisean.org

Fèis Rois

Aig fìor thoiseach foghlam ealain thraidiseanta àrd-inbhe, tha Fèis Rois a’ tabhann prògram farsaing de theagasg ciùil do chòrr is 100 sgoil ann an Alba. Bidh iad cuideachd a’ toirt taic do luchd-ciùil òga a dhol air chuairt ann an Alba, an RA agus gu h-eadar-nàiseanta, agus a’ tabhann raon de ghnìomhan ciùil a’ gabhail a-steach slighean cèilidh, clasaichean ionnsramaidean agus ionnsachadh air-loidhne.

www.feisrois.org

Hands Up for Trad

Tha Hands Up for Trad ag obair gus ìomhaigh agus faicsinneachd ceòl traidiseanta na h-Alba àrdachadh tro fhiosrachadh, foghlam agus tagradh. Bidh iad a’ brosnachadh sàr-mhathais agus a’ toirt taic do thàlant tro ghrunn phròiseactan a’ gabhail a-steach Duaisean Ceòl Traidiseanta na h-Alba, Ceòladair Òg Traidiseanta na Bliadhna air BBC Radio Scotland, Scotland Sings, Tinto Summer Schools agus FolkWaves.

projects.handsupfortrad.scot

FolkWaves

’S e pròiseact de Hands Up for Trad a th’ ann an FolkWaves. Tha e ag amas ri ceòl Albannach a bhrosnachadh gu gach seòrsa rèidio air feadh an t-saoghail. Faodaidh luchd-ciùil na clàran as ùire aca a luchdachadh suas chun làrach-lìn agus faodaidh craoladairean òrain ùra a luchdachadh a-nuas bho luchd-ealain Albannach airson a chluich air na prògraman aca.

projects.handsupfortrad.scot/folkwaves

Ionad Piobaireachd Nàiseanta

Tha Ionad Nàiseanta na Piobarachd ann an Glaschu na ionad sàr-mhathais eadar-nàiseanta airson na pìoba agus a ciùil. Anns an ionad tha sgoil, seòmraichean ro-aithris, talla-cluiche, taigh-tasgaidh, ionad fiosrachaidh agus leabharlann lorgaidh. Tha fàilte air luchd-tadhail bhon dùthaich seo agus bho thall thairis a thighinn dhan ionad airson ionnsachadh, cluich no airson spòrs.

www.thepipingcentre.co.uk

Sabhal Mòr Ostaig

Tha Sabhal Mòr Ostaig aithnichte gu h-eadar-nàiseanta mar Ionad Nàiseanta airson na Gàidhlig agus a Cultar, agus tha e a' tabhann deagh chothroman foghlaim is rannsachaidh an dà chuid air-loidhne agus aig an àrainn aca san Eilean Sgitheanach. Tha prìomh àite aig a' cholaiste cuideachd ann a bhith a' brosnachadh ealain is cultar na Gàidhlig, agus tha i a' cumail prògram còmhnaidh airson luchd-ealain ann an ceòl, litreachas agus na h-ealain lèirsinneach.

www.smo.uhi.ac.uk

Sgoil Eòlais na h-Alba

Chaidh Sgoil Eòlais na h-Alba aig Oilthigh Dhùn Èideann a stèidheachadh ann an 1951 gus stuthan co-cheangailte ri traidiseanan cultarach agus beul-aithris na h-Alba a chruinneachadh, a ghlèidheadh, a rannsachadh agus fhoillseachadh. Tha an cruinneachadh air fòcas a chuir air beatha Albannach, beul-aithris agus na h-ealain thraidiseanta le stuthan ann an Gàidhlig, Albais agus Beurla air an cruinneachadh bho choimhearsnachdan air feadh Alba agus a sliochd. Anns a' chruinneachadh tha tasglann fuaim a tha cudromach gu h-eachdraidheil anns a bheil mu 33,000 clàraidhean, tasglann dhealbhan anns a bheil na mìltean de dhealbhan bho na 1930an a-mach, cruinneachadh beag film is bhidio, agus tasglann làmh-sgrìobhainnean.

libraryblogs.is.ed.ac.uk/sssa



Staran at Blas Festival
Photo: Fèisean nan Gàidheal

Ionad Ciùil na h-Alba

Tha Ionad Ciùil na h-Alba na ghoireas ciùil air leth math, agus na dhachaigh do chruinneachadh de chòrr air 30,000 rud a' toirt a-steach sgòran is clàraidhean tearc ann an Glaschu agus air-loidhne. Tha an t-Ionad cuideachd air leth cudromach ann a bhith a' brosnachadh tàlant an dà chuid gu h-ionadail agus gu h-eadar-nàiseanta tro phrògraman, seiseanan trèanaidh agus raon de sheirbheisean, agus tha e aig cridhe adhartachadh cultar ciùil beothail na h-Alba.

www.scottishmusiccentre.com

Scots Music Industry Association

Is e buidheann malairt a th' ann an Scots Music Industry Association (SMIA) a tha ag àrach, ag adhartachadh agus a' frithealadh ùidhean gnìomhachas ciùil na h-Alba. Tha a' bhallrachd a' gabhail a-steach daoine fa leth agus buidhnean a tha ag obair thar gach roinn de ghnìomhachas a' chiùil ann an Alba, a' gabhail a-steach manaidsèaran luchd-ealain, luchd-adhartachaidh, companaidhean chlàran, stiùidiothan, luchd-ealain, luchd-sgaoilidh agus barrachd. Tha SMIA a' neartachadh agus a' tagradh airson gnìomhachas ciùil na h-Alba tro mheasgachadh de phròiseactan a' gabhail a-steach tachartasan trèanaidh, bùthan-obrach, prìomh chlasaichean, lìonrachadh san roinn agus Duais SAY, duais ciùil nàiseanta na h-Alba.

www.smia.org.uk

Showcase Scotland Expo

Tha Showcase Scotland Expo ag amas air cothroman às-mhalairt beò a thoirt air adhart do luchd-ealain stèidhichte ann an Alba a tha ag obair ann an gnèithean ceòl dùthchasach, traidiseanta, Alba, Gàidhlig, cruinne agus fuaimneach. Bidh iad a' cruthachadh dhàimhean làidir le tachartasan malairt ciùil thall thairis agus a' toirt taic do chothroman taisbeanaidh do luchd-ealain a tha a' fuireach ann an Alba. Bidh iad cuideachd a' ruith The Visit, iomairt airson gnìomhachas a' chiùil thall thairis a' tighinn a dh'Alba a tha ag amas air gnìomhachas bho phrìomh àiteachan gus tadhal air Alba gus luchd-ciùil fhaicinn beò a tha freagarrach airson cluich is reic thall thairis agus gus coinneachadh ri gnìomhachas ceòl na h-Alba san fharsaingeachd.

www.showcasescotlandexpo.com

Tobar an Dualchais/Kist o Riches

Tha Tobar an Dualchais/Kist o Riches a' glèidheadh, a' digiteachadh agus a' catalogadh nam mìltean de dh'uairean a th'ìde de chlàraidhean Gàidhlig is Albais a bhios rim faighinn air-loidhne an uair sin. Tha beairteas de stuthan cudromach gu h-eachdraidheil agus gu cultarail air an làrach-lìn a' gabhail a-steach òrain, ceòl, eachdraidh, bàrdachd agus beul-aithris. 'S ann à Tasglann Sgoil Eòlais na h-Alba a thàinig na clàraidhean sa mhòr-chuid.

www.tobarandualchais.co.uk

The Touring Network

Tha The Touring Network a' brosnachadh chuirtean dùthchail mar phàirt chudromach agus sònraichte de bheatha chultarail na h-Alba. Bidh iad a' cuideachadh le bhith a' toirt thaisbeanaidhean beò den chàileachd as àirde gu gach ceàrnaidh den Ghàidhealtachd is de na h-Eileanan, agus a' toirt taic, comhairle agus trèanadh dhaibhsan a tha ag obair ann an cuairtean beaga.

www.thetouringnetwork.com

Traditional Arts + Culture Scotland (TRACS)

Tha TRACS a' riochdachadh nan ealan traidiseanta ann an Alba agus tha e na cho-obrachadh eadar trì Fòrman: Ceòl, Seanchas agus Dannsa. Còmhla, bidh iad a' brosnachadh co-obrachadh thar foirmean nan ealan agus cànanan. Bidh iad cuideachd a' ruith bùthan-obrach, cuirmean-ciùil agus òraidean, a bharrachd air Fèis Eadar-nàiseanta Seanchas na h-Alba.

www.tracscotland.org

Comann Ceòl agus Òrain Thraidiseanta

Tha Comann Ceòl is Òrain Thraidiseanta na h-Alba (TMSA) na bhuidheann ballrachd a tha dealasach a thaobh a bhith a' brosnachadh, a' taisbeanadh agus a' glèidheadh ceòl is òrain thraidiseanta na h-Alba. A bharrachd air a bhith a' tabhann comhairle agus fiosrachadh, tha TMSA a' toirt seachad chothroman com-pàirt a ghabhail tro fhèisean, cèilidhean, cuirmean, co-fharpaisean agus bùthan-obrach.

www.tmsa.scot



Taic na Roinne

Tha roinn a' chiùil thraidiseanta agus dùthchasach a' faighinn taic bho ghruinn thùsan. Seo cuid de na prìomh bhuidhnean a tha a' toirt seachad maoineachadh, comhairle agus taic coitcheann.

Arts Infopoint UK

Is e iomairt pìleat a th' ann an Arts Infopoint UK le goireasan gus daoine le ùidh sa chùis a stiùireadh tro chuid de na h-ìrean rianachd de thighinn dhan RA mar neach-ealain, neach-proifeasanta cultarach no buidheann.

Co-dhiù dèiligeadh ri ceistean co-cheangailte ri obair pàighte geàrrùine san RA; ionnstramaidean agus uidheam a ghluasad; no sùil a chumail air dleastanasan tèarainteachd shòisealta, bidh Arts Infopoint UK a' ruith thachartasan, a' cruinneachadh ghoireasan, agus a' freagairt cheistean gus an fheadhainn a tha an dùil turas cruthachail a chur air dòigh don RA a chuideachadh. Tha Arts InfoPoint air a stiùireadh le Wales Arts International ann an com-pàirteachas le comhairlean ealain agus buidhnean eile de na ceithir dùthchannan san RA: Alba Chruthachail, Comhairle Ealain Shasainn agus Comhairle Ealain Èirinn a Tuath.

www.artsinfopointuk.com

Comhairle Bhreatainn (Alba)

Tha sgioba ciùil Comhairle Bhreatainn na phàirt de lionra cruinne a bhios a' planadh, a' goireasachadh agus a' libhrigeadh phròiseactan ealain àrd-inbhe le luchd-ealain proifeasanta agus buidhnean às an RA. Bidh iad ag obair gus ìomhaigh eadar-nàiseanta ceòl is cruthachaileachd na RA a neartachadh agus gus com-pàirteachasan a stèidheachadh thall thairis.

scotland.britishcouncil.org

Alba Chruthachail

'S e Alba Chruthachail a' bhuidheann phoblach a tha a' toirt taic dha daoine agus buidhnean airson obair agus eòlas fhaighinn anns na gnìomhachasan ealain, sgrìne agus cultarach ann an Alba tro mhaoineachadh bho Riaghaltas na h-Alba agus an Crannchur Nàiseanta. Bidh an Sgioba Ciùil a' toirt seachad maoinachadh airson gach gnè ciùil le clàradh, cuairtean, fèisean, taisbeanaidhean, ionadan ioma-ealain, rannsachadh is leasachadh luchd-ealain, agus taic bhon ghnìomhachais. Tha na h-ealain thraidiseanta agus cànanan dùthchasach nam prìomh eileamaidean de roinn ciùil na h-Alba anns a bheil pailteas de thàlant a tha deiseil airson às-mhalairt.

www.creativescotland.com

Prìomh Fhèisean ann an Alba

Tha saoghal fìor mhath de cheòl traidiseanta, dùthchasach ann an Alba le mìosachan làn de dh'fhèisean is thachartasan aig ìre àrd le luchd-ealain aig a bheil inbhe eadar-nàiseanta. Bidh iad sin a' tachairt air feadh na dùthcha fad na bliadhna.

Celtic Connections / Am Faolleach - An Gearran

S e fèis bhliadhnail ceòl dùthchasach agus cruinne Ghlaschu a th' ann an Celtic Connections, a' comharrachadh ceòl Ceilteach agus a cheangal ri cultaran air feadh na cruinne. Bidh luchd-ciùil bho air feadh an t-saoghail a' tighinn a Ghlaschu airson fèis le cuirmean, cèilidhean, òraidean, taisbeanaidhean ealain, bùthan-obrach agus tachartasan an-asgaidh. Tha an tachartas riochdairean bliadhnail Showcase Scotland, le com-pàirtiche eadarnàiseanta a' tachairt aig àm na fèise.

www.celticconnections.com

Fhèis Dùthchasach Shealtainn / An Giblean - An Cèitean

Tha an fhèis seo aig a bheil cliù eadar-nàiseanta - an fhèis dùthchasach' as fhaide tuath san RA - a' cumail sreath air leth de cheòl dùthchail, blues, jazz agus swing, agus tha i ainmeil airson a bhith a' taisbeanadh luchd-ciùil Shealtainn agus traidisean fìdhle gun samhail.

www.shetlandfolkfestival.com

Tradfest Dùn Èideann / An Cèitean

Is e Tradfest an taisbeanadh bliadhnail de Ealain is Cultar Traidiseanta ann am prìomh bhaile na h-Alba. Tha prògram aig an fhèis làn de thachartasan is thaisbeanaidhean, le ceòl, òrain, seanchas agus dannsa mar a bhios luchd-ealain ionadail is eadar-nàiseanta a' tighinn còmhla airson tachartasan air feadh a' bhaile.

www.edinburghtradfest.com

Skye Live / An Cèitean

Air ainmeachadh mar 'fhèis shònraichte agus do-sheachnaichte' leis a' phàipear-naidheachd The Scotsman, tha Skye Live stèidhichte ann an tè de na làraichean fèis as àille air an t-saoghal, le seallaidhean àlainn den Chuiltheann air an dàrna taobh agus Bodach an Stòir air an taobh eile. Bidh an fhèis a' taisbeanadh luchd-ciùil bho air feadh saoghalan ceòl traidiseanta, dannsa agus dealanach na h-Alba agus nas fhaide air falbh.

www.skyelive.co.uk

Cèilidh Cruinne Knockengoroch / An Cèitean

Tha Cèilidh Cruinne Knockengoroch a' cur air adhart an fheadhainn as fheàrr ann an ceòl Ceilteach agus ceòl cruinne traidiseanta is co-aimsireil. Bidh an fhèis a' comharrachadh iomadachd agus a' taisbeanadh an tàlant dùthchail as fheàrr ann an Alba còmhla ri luchd-ealain den chiad ìre bho air feadh an t-saoghail.

www.knockengoroch.org.uk

Fèis Dùthchasach Arcaibh / An Cèitean

Bidh Fèis Dùthchasach Arcaibh a' toirt còmhla luchd-ciùil ionadail le luchd-ciùil eadar-nàiseanta, a' toirt toileachas do mhuintir an àite agus luchd-turais le measgachadh de chuirmean, cèilidhean, seiseanan neo-fhoirmeil, bùthan-obrach agus òraidean.

www.orkneyfolkfestival.com



Fèis Fhoirt
Photo: Nicky Murray

Fèis Chiùil Thiriodh / An t-luchar

Air a stèidheachadh ann an 2010 le Stiùbhart MacIlinnein agus Daniel Gilleasbaig à Skerryvore, tha Fèis Chiùil Thiriodh air fàs bliadhna an dèidh bliadhna. Bidh an fhèis càirdeil seo a' toirt a-steach luchd-ciùil nàiseanta is eadar-nàiseanta, dòighean-obrach traidiseanta agus co-aimsireil, agus tha i air grunn dhuaisean a chosnadh. Bidh ceòl sgoinneil, cultar na Gàidhlig agus seallaidhean-tìre iongantach a' tighinn còmhla san fhèis dhrùidhteach eileanach seo.

www.tireemusicfestival.co.uk

Fèis Cheilteach Innse Gall / An t-luchar

A' tachairt ann an Steòrnabhagh ann an Eilean Leòdhais, bidh Fèis Cheilteach Innse Gall a' tàladh luchd-ciùil bho air feadh an t-saoghail. Bidh an fhèis càirdeil seo a-steach cuirmean, bùthan-obrach agus tachartasan an-asgaidh, agus a' taisbeanadh ceòl Ceilteach, Gàidhlig, traidiseanta agus co-aimsireil.

www.hebcelfest.com

Fèis Belladrum / An t-luchar- An Lùnastal

Air a cumail air oighreachd Bhelladrum faisg air Inbhir Nis, tha an fhèis chiùil is ealain seo, a choisinn duaisean, a' taisbeanadh sreath inntinneach a' còmhach ceòl dùthchail, indie agus roc. Ainmeil airson a prògramadh roghainneil agus dòigh-obrach gach aois, tha an fhèis air a fàs nas fèillmhoire agus tha tiogaidean a-nis gan reic a-mach ro làimh gach bliadhna.

www.tartanheartfestival.co.uk

Pìobaireachd Beò! / An Lùnastal

A' taisbeanadh a' chuid as fheàrr de chultar pìobaireachd eadar-nàiseanta, tha Pìobaireachd Beò! a' gabhail a-steach prògram làn de thachartasan, taisbeanaidhean còmhlan pioba an-asgaidh, làithean spòrs teaghlaich, seiseanan blasad airson gach aois, cuirmean feasgair agus Farpaisean Còmhlan Pioba na Cruinne ainmeil.

www.pipinglive.co.uk

Fèis Iomall Dhùn Èideann / An Lùnastal

Is e Fèis Iomall Dhùn Èideann an fhèis ealain as motha air an t-saoghal agus thèid a cumail gach Lùnastal ann am prìomh bhaile na h-Alba. Bidh na mìltean de chleasaichean, bho ainmean mòra gu luchd-ealain neo-aithnichte, a' taisbeanadh thaisbeanaidhean thar gach cruth ealain. Tha an fhèis a' gabhail a-steach ceòl, thèatar, comadaidh, dannsa, thèatar corporra, taisbeanaidhean agus tachartasan.

www.edfringe.com

Blas / An t-Sultain

Bidh fèis Blas a' comharrachadh cultar ceòl traidiseanta agus Gàidhlig air Gàidhealtachd na h-Alba, le luchd-ciùil ionadail, nàiseanta is eadar-nàiseanta. Tha prògram beairteach aig an fhèis a' tabhann chothroman do luchd-ciùil òga, sgoiltean agus coimhearsnachdan.

www.blas.scot

Mòd Nàiseanta Rìoghail / An Dàmhair

A' comharrachadh cànan is cultar na Gàidhlig, tha am Mòd Nàiseanta Rìoghail, air a libhrigeadh leis a' Chomunn Ghàidhealach, a' toirt chothroman do dhaoine de gach aois a bhith a' cluich agus a' farpais thairis air raon de chuspairean, a' gabhail a-steach ceòl is òrain Ghàidhlig, dannsa Gàidhealach, ceòl ionnsramaid, dràma, spòrs agus litreachas. Bidh iomall na fèise a' taisbeanadh sàr luchd-ciùil is cleasaichean Gàidhlig gach bliadhna.

www.ancomunn.co.uk/nationalmod



Julie Fowlis, Edinburgh Tradfest.
Photo: Douglas Robertson



ALBA | CHRUTHACHAIL

Geata Waverley
2-4 Rathad Bhatarlù
Dùn Èideann
Alba, RA

www.creativescotland.com
enquiries@creativescotland.com



An Dàmhair 2024